



**Broj/Број: 02 –50 –1-67-42/'05
Sarajevo/Сарајево, 18.05.2005. godine**

**ZAPISNIK
42. sjednice Doma naroda
Parlamentarne skupštine Bosne i Hercegovine,
održane 18. maja 2005. godine**

Sjednica je počela u 11,40 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo 14 delegata.

Delegat Hasan Čengić opravdao je izostanak.

Osim delegata, na sjednici Doma naroda bili su: predstavnici međunarodnih organizacija i predstavnici sredstava javnog informiranja.

Nakon rasprave, u kojoj su učestvovali: Hilmo Neimarlija, Boško Šiljegović, Halid Genjac, Vinko Radovanović, nije usvojen prijedlog Kluba Bošnjaka da se Prijedlog rezolucije protiv amnestije četničkog pokreta Draže Mihajlovića od zločina počinjenih tokom Drugog svjetskog rata uvrsti u dnevni red.

Za 42. sjednicu Doma naroda usvojen je sljedeći izmijenjeni

D N E V N I R E D

1. Odgovori na delegatska pitanja i delegatska pitanja;
2. Usvajanje zapisnika 40. i 41. sjednice Doma naroda;
3. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 100. Doma naroda;
4. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o Državnoj agenciji za istrage i zaštitu po hitnom postupku, u skladu s članom 100. Doma naroda;
5. Prijedlog zakona o izmjenama i dopunama Zakona o državnoj službi u institucijama BiH (prvo čitanje);
6. Prijedlog zakona o konkurenciji (prvo čitanje);
7. Prijedlog zakona o zaduživanju, dugu i garancijama BiH (prvo čitanje);
8. Izvještaj o poslovanju Ureda za reviziju finansijskog poslovanja institucija BiH za 2004. godinu;
9. Izvještaj o radu Izborne komisije BiH za 2004. godinu;

10. Razmatranje:

- a) Godišnjeg izvještaja Centralne banke BiH za 2004. godinu;
 - b) Finansijskog izvještaja Centralne banke BiH za 2004. godinu;
11. Informacija o radu Tužilaštva BiH, unapređenju materijalne i organizacione osposobljenosti Tužilaštva BiH u 2004. i stanju kriminaliteta u Bosni i Hercegovini u 2004. godini;

12. Razmatranje:

- a) Informacije o svim aktuelnim i budućim misijama pripadnika Oružanih snaga BiH, sa Izvještajem Zajedničke komisije za odbrambenu i sigurnosnu politiku;
 - b) Informacije o učešću policijskih službenika u mirovnim misijama, sa Izvještajem Zajedničke komisije za odbrambenu i sigurnosnu politiku;
13. Davanje saglasnosti za ratifikaciju Sporazuma između Vijeća ministara BiH i Vlade Republike Bugarske o ukidanju viza za nosioce diplomatskih i službenih pasoša;
14. Davanje saglasnosti za ratifikaciju Sporazuma između Bosne i Hercegovine i Republike Slovenije o uzajamnoj pomoći o pitanjima carine;
15. Davanje saglasnosti za ratifikaciju Sporazuma o unapređenju i zaštiti investicija između Bosne i Hercegovine i Kraljevine Danske;
16. Davanje saglasnosti za ratifikaciju Šestoga amandmana na Ugovor o finansijskoj pomoći između Bosne i Hercegovine i Sjedinjenih Američkih Država – za općinsku infrastrukturu i usluge;
17. Davanje saglasnosti za ratifikaciju Sporazuma između Bosne i Hercegovine i Republike Hrvatske o pograničnom saobraćaju i saradnji;
18. Davanje saglasnosti za ratifikaciju Sporazuma između Vijeća ministara BiH i Vlade Republike Hrvatske o uzajamnom ukidanju viza.

Ad-1. Odgovori na delegatska pitanja i delegatska pitanja

Odgovora na delegatska pitanja nije bilo.

Delegat Tomislav Limov postavio je sljedeća pitanja Vijeću ministara BiH:

1. "Koliko je osoba na području Bosne i Hercegovine u periodu od 1.1.1996. godine do danas, na osnovu zvanične evidencije nadležnih institucija, promijenilo svoj identitet?
2. Koja su državna tijela odlučivala o promjeni identiteta i u koliko je slučajeva konkretno omogućena promjena identiteta po svakom entitetu, kantonu i općini u Bosni i Hercegovini?
3. Za koliko je osoba i u kojim općinama u Bosni i Hercegovini od strane nadležnih tijela državne uprave izvršen naknadni upis u matične knjige rođenih u periodu od 1.1.1992. godine do danas?"

Delegat Đoko Pajić postavio je sljedeća pitanja Predsjedništvu BiH:

1. Da li je tekst govora člana Predsjedništva BiH gospodina Sulejmana Tihica, prilikom obraćanja poslanicima i delegatima Parlamentarne skupštine BiH na plenarnoj sjednici 9.5.2005. godine, usaglašen u Predsjedništvu BiH?
2. Hoće li Odluka Predsjedništva BiH o slanju pripadnika oružanih snaga BiH u Irak biti razmatrana u Parlamentarnoj skupštini BiH u skladu s članom 6. Zakona o učešću pripadnika oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu, "Službeni glasnik BiH", br. 14/05.

Ad-2. Usvajanje zapisnika 40. i 41. sjednice Doma naroda

Zapisnici 40. i 41. sjednice Doma naroda jednoglasno su usvojeni.

Ad-3. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 100. Poslovnika Doma naroda

U raspravi su učestvovali: Tomislav Limov, predstavnik predlagača, Jusuf Kumalić, Branko Zrno, Velimir Jukić i Mustafa Pamuk.

Dom naroda je većinom glasova usvojio zahtjev Vijeća ministara za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 100. Poslovnika Doma naroda, nakon čega je Zakon većinom glasova usvojen sa sljedećim zaključkom:

1. Dom naroda Parlamentarne skupštine BiH zahtijeva od Vijeća ministara i Uprave za indirektno oporezivanje da dostavi provedbeni plan za uvođenje PDV-a.
2. Dom naroda traži od Vijeća ministara da dostavi akcioni plan provođenja socijalnih programa kojima će se umanjiti negativni učinci primjene Zakona o PDV-u na socijalno najugroženije kategorije stanovništva.

Ad-4. Izjašnjavanje Doma naroda o zahtjevu Vijeća ministara za razmatranje Prijedloga zakona o izmjenama i dopunama Zakona o Državnoj agenciji za istrage i zaštitu po hitnom postupku, u skladu s članom 100. Poslovnika Doma naroda

U raspravi su učestvovali Tomislav Limov i predstavnik predlagača Milenko Stanić.

Dom naroda je većinom glasova usvojio zahtjev Vijeća ministara za razmatranje Prijedloga zakona o izmjenama i dopunama Zakona o Državnoj agenciji za istrage i zaštitu po hitnom postupku, u skladu s članom 100. Poslovnika Doma naroda nakon čega je Zakon većinom glasova usvojen.

Ad-5. Prijedlog zakona o izmjenama i dopunama Zakona o državnoj službi u institucijama BiH

U raspravi niko nije učestvovao.

Dom naroda jednoglasno je u oba čitanja usvojio Prijedlog zakona o izmjenama i dopunama Zakona o državnoj službi u institucijama BiH s dva amandmana

Amandman I.

U članu 24.(1) iza riječi “su” dodaju se riječi “neovisne i”.

U članu 24.(2) riječ “najmanje” koja se pojavljuje dva puta briše se, a riječ “tri” zamjenjuje se riječju “dva”, a riječ “dva” zamjenjuje se riječju “tri”.

Amandman II.

U članu 28.(1) u drugom redu zarez i riječi “uz prethodno pribavljeno mišljenje nadležne institucije” brišu se.

U članu 28. dodaje se novi stav (3) koji glasi: “(3) Ukoliko se ne izvrši imenovanje iz st. (1) i (2) ovog člana u roku od 30 dana od dana njihova prijema, ako posebnim propisom nije određen kraći rok, Agencija će po službenoj dužnosti postaviti, odnosno imenovati najuspješnijeg kandidata”.

Dosadašnji st. (4), (5) i (6) postaju st. (5),(6) i (7).

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Boško Šiljegović
- Branko Zrno
- Halid Genjac

Ad-6. Prijedlog zakona o konkurenciji

U raspravi nije niko učestvovao.

Dom naroda jednoglasno je u oba čitanja usvojio Prijedlog zakona o konkurenciji s dva amandmana.

Amandman I.

U članu 20. dodati novi stav (3) koji glasi:

«Organizacione jedinice obavljaju poslove iz nadležnosti konkurencijskog vijeća koje se detaljno uređuju podzakonskim aktom.»

Amandman II.

U članu 27. u tački 3. iza riječi: “Konkurencijsko vijeće” dodati riječi: “odnosno organizacionom jedinicom”.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Ruža Stojanović
- Branko Zrno
- Mustafa Pamuk

Ad-7. Prijedlog zakona o zaduživanju, dugu i garancijama BiH

U raspravi je učestvovao Boško Šiljegović.

Dom naroda je većinom glasova usvojio Prijedlog zakona o zaduživanju, dugu i garancijama BiH u prvom čitanju.

Ad-8. Izvještaj o poslovanju Ureda za reviziju finansijskog poslovanja institucija BiH za 2004. godinu

U raspravi nije niko učestvovao.

Dom naroda jednoglasno je usvojio Izvještaj o poslovanju Ureda za reviziju finansijskog poslovanja institucija BiH za 2004. godinu.

Ad-9. Izvještaj o radu Izborne komisije BiH za 2004. godine

U raspravi su učestvovali: Ilija Filipović, Đoko Pajić, Tomislav Limov i Velimir Jukić.

Dom naroda je većinom glasova usvojio Izvještaj o radu Izborne komisije BiH za 2004. godinu.

Ad-10. Razmatranje:

- a) **Godišnjeg izvještaja Centralne banke BiH za 2004.;**
- b) **Finansijskog izvještaja Centralne banke BiH za 2004.**

U raspravi je učestvovao guverner Centralne banke Kemal Kozarić.

Dom naroda jednoglasno je usvojio Godišnji izvještaj Centralne banke BiH za 2004. i Finansijski izvještaj Centralne banke za 2004. godinu.

Ad-11. Informacija o radu Tužilaštva BiH, unapređenju materijalne i organizacione osposobljenosti Tužilaštva BiH u 2004. i stanju kriminaliteta u Bosni i Hercegovini u 2004. godini

U raspravi su učestvovali: Tomislav Limov, Halid Genjac i zamjenik tužioca BiH.

Dom naroda je većinom glasova primio k znanju Informaciju o radu Tužilaštva BiH, unapređenju materijalne i organizacione osposobljenosti Tužilaštva BiH u 2004. i stanju kriminaliteta u Bosni i Hercegovini u 2004. godini.

Ad-12. Razmatranje:

- a) Informacije o svim aktuelnim i budućim misijama pripadnika Oružanih snaga BiH, sa Izvještajem Zajedničke komisije za odbrambenu i sigurnosnu politiku;
- b) Informacije o učešću policijskih službenika u mirovnim misijama, sa Izvještajem Zajedničke komisije za odbrambenu i sigurnosnu politiku.

U raspravi su učestvovali Boško Šiljegović i Đoko Pajić.

Dom naroda jednoglasno je primio k znanju Informaciju o svim aktuelnim i budućim misijama pripadnika Oružanih snaga BiH, sa Izvještajem Zajedničke komisije za odbrambenu i sigurnosnu politiku i Informaciju o učešću policijskih službenika u mirovnim misijama, sa Izvještajem Zajedničke komisije za odbrambenu i sigurnosnu politiku.

Ad-13. Davanje saglasnosti za ratifikaciju Sporazuma između Vijeća ministara BiH i Vlade Republike Bugarske o ukidanju viza za nosioce diplomatskih i službenih pasoša

U raspravi nije niko učestvovao.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Bugarske o ukidanju viza za nosioce diplomatskih i službenih pasoša

Ad-14. Davanje saglasnosti za ratifikaciju Sporazuma između Bosne i Hercegovine i Republike Slovenije o uzajamnoj pomoći pitanjima carine

U raspravi niko nije učestvovao.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Republike Slovenije o uzajamnoj pomoći o pitanjima carine.

Ad-15. Davanje saglasnosti za ratifikaciju Sporazuma o unapređenju i zaštiti investicija između Bosne i Hercegovine i Kraljevine Danske

U raspravi nije niko učestvovao.

Dom naroda jednoglasno je dao saglasnost za ratifikaciju Sporazuma o unapređenju i zaštiti investicija između Bosne i Hercegovine i Kraljevine Danske.

Ad-16. Davanje saglasnosti za ratifikaciju Šestog amandmana na Ugovor o finansijskoj pomoći između Bosne i Hercegovine i Sjedinjenih Američkih Država – za općinsku infrastrukturu i usluge

U raspravi nije niko učestvovao.

Dom naroda jednoglasno je dao saglasnost za ratifikaciju Šestog amandmana na Ugovor o finansijskoj pomoći između Bosne i Hercegovine i Sjedinjenih Američkih Država – za općinsku infrastrukturu i usluge.

Ad-17. Davanje saglasnosti za ratifikaciju Sporazuma između Bosne i Hercegovine i Republike Hrvatske o pograničnom saobraćaju i saradnji

U raspravi nije niko učestvovao.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Republike Hrvatske o pograničnom saobraćaju i saradnji.

Ad-18. Davanje saglasnosti za ratifikaciju Sporazuma između Vijeća ministara BiH i Vlade Republike Hrvatske o uzajamnom ukidanju viza

U raspravi nije niko učestvovao.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Republike Hrvatske o uzajamnom ukidanju viza.

Sjednica je završena u 16,50 sati.

Sastavni dio ovog zapisnika je neautorizirani transkript sjednice.

**SEKRETAR
DOMA NARODA**
Jadranko Tomić

**PREDSJEDAVAJUĆI
DOMA NARODA**
Velimir Jukić